


雲南通志

人物鄉賢

內閣文庫	
番號	漢 14228
冊數	40(20)
函號	函 137 3

廿七

0 1 2 3 4 5 6 7 8 9 cm



歷代通志卷之第二十一

人物鄉賢

昔晉常璩作南中志凡侏儻之族里閭之行書
 之雅恐或遺豈非意在風厲善雖微而必錄乎
 在昔兩漢之世滇人士類能以經術節義自表
 見降自唐宋載乘闕如歷有明而始蒸蒸蔚起
 夫豈蓄於前而豐於後歟聲教之通塞即人才
 之盛衰判焉

國家治化遠敷而培植滋厚滇人士之興行且軼

前代然士先立身而後揚名歷觀古人其建功
立業待顯而著若文章行誼又不待顯而彰也
稽往冊而備志之矣無弗傳庶幾風厲之微旨
焉耳作人物志

雲南府

漢

許叔善闡人元和中入中
國授五經歸教鄉人

唐

王仁求

安寧人河東州刺史
平賊化民恩義兼濟

王金寶

仁求子
有治績

明

李純

昆明人永樂甲午舉人偶儻有智畧正
統中官御史巡撫遼東後改巡撫榆

副都御史巡撫遼東後改巡撫榆
林尤有功績邊廷賴之卒於官

楊景

安寧人事母孝中永樂癸卯舉人初判
霸州改澧州判有以失牛誣吳姓者牽

牛歸吳誣服景疑其枉陰取牛縱之郊牛奔
吳氏誣者服罪秩滿擢化州州同會峒彝亂

攻城守將夜縋城以遯兵民不滿三百景激
以大義皆願盡力乃撤故倉木蔽城缺又縛

藁人披衣甲置城上有三人緣堞上擒斬以
徇賊引去都督歐信贈景守忠二字而置守

將於法天順庚辰以老乞致仕自度官貧鄉
遠因占籍巴陵以子太傳一清貴贈如其官

張英

字時俊郡人事母至孝正統戊午領鄉
薦第一入太學時祭酒李時勉以直言

獲罪辱速成均英忿且耻乃同石大用等詣
關請以身代遂蒙宥名動京師是日即乞歸
養學士商文毅輅贈以詩居鄉教授生
徒卒年九十有四黔國武僖公禮重之

楊一清

字應寧號石淙安寧人薦奇童為翰林
秀才舉順天辛卯鄉試登成化壬辰進

士歷官右副都御史督理茶馬鹽政條上事
宜多所匡濟比巡陝西修復花馬池諸要害
亭障固原警單騎馳至瓦亭會主帥曹雄設
伏備禦隨奉勅總制三邊經畧河套條陳脩
築增設防禦六事皆為劉瑾所格罷歸會安
化王反於寧夏起用乃謂監軍張永曰寧夏
事且暮且有捷音但內變不測為可慮耳已
而擒賊報果至張永驚服乃請竟內變之說
一清取永手畫瑾字永悚息不敢任一清又
密授永策永一一如其言武宗乃收瑾戮之
因召為戶部尚書加太子太保尋改吏部累
至火傳入內閣常因災異自劾言時事失宜

朱寧筆疾之乃謝病致仕嘉靖乙酉復起兵
部尚書總督陝西冬詔還丙閣世宗待以腹
心以大禮議不合致仕尋削籍二十八年贈
其傳諡文襄一清嘗自謂生於滇南長於湖
南老於江南故晚號三南居士卜籍於江口
丁卯橋猶不忘石淙因為號李夢陽為之
記稱其功著邊
徽名顯社稷云

毛

字用成郡人幼聰慧刻厲讀書毋喜其
勤而憂其銳夜每以衣障燈弘治己酉

舉於鄉會試不第遂僦居燕市與四方名士
講業者十七年乙丑成進士方修孝宗實錄
奉使滇黔訪求遺事歸報命授行人考選南
京禮科給事中值察典所論劾四十餘人皆
洽命論陞戶科左給事中條上備預諸策皆
見採納憂歸服闋補吏科數直諫如止巡幸
居庸關危詞慷慨武宗動色中貴由烏思藏
往還橫索民苦無聊御史林有年論劾得罪

下詔獄王上疏極諫得寬旨僅奪俸更切責中貴人長沙李相國東陽嘗曰用成吾畏友也大禮議起王同毛紀毛澄張元范總楊慎諸臣跪門哭諫世宗震怒被廷杖者若干人王以六科之會劄巨痛深血肉糜爛未數日卒燕士白衣冠相率送其喪為文輓之穆宗卽位追錄其忠贈光祿寺卿所存奏議十卷俱切國是王自幼孝於繼母釋褐益謙謹至稱今人

李資坤

字伯生昆陽人自幼以孝友聞登正德癸酉鄉薦令宜城嘉定二縣擢南京刑部郎出為銅仁知府開渠堰復侵田均賦牒平寇亂置學租卓有成績考天下廉吏第一士民感其功德為建生祠比歸置義塾不調公府性剛介寡合言動以禮老而彌篤積書萬餘卷自號一蠹居士督學使陳善採衆議行州立祠祀於鄉賢其在任郡邑皆崇祀名宦

施昱

字子貞廣南衛人舉正德己卯鄉試第員外郎典試山東取士多名雋及陞郎中以議國戚張延齡獄不稱旨株連落職時已陞陝西憲僉矣家居八年起補貴州僉事感惠并行士民繪像祀之及店驛峻嶺夾江甚難渡昱設法為巨橋覆以屋又因劾處得當欽賜銀幣值黔中大比錄交犯忌罪監臨御史波及之謫茶陵州州同歷永州判徽州郡丞丁艱服除補大名府陞湖廣僉事駐承天府百務紛沓昱一意恤民不徇時好雖見忌嫉弗顧也以擒巨寇李邦珍功賜綺幣尋晉光祿寺少卿卒於京昱孝友醇謹所著禮經疑問藏於家中貴族

孫繼魯

字道甫郡人少負奇質書史過目不忘中嘉靖癸未進士授澧州牧以他事避

怒已者乞為學官得國子監助教歷戶部郎出守衛輝未幾調知淮安中貴卿命督江南織造擅作威福繼魯與之抗中貴怒譖訴密投上怒逮至京執政為之解罪止調官既免弗謝調黎平府能以德化感格叛苗擢湖廣提學副使每從帖括相士數語盡其生平合若左券晉山西左叅政分守冀南郎宗人不於法外縱又晉本省按察使宗人數百要於路發其裝惟布袍敝履他無所畜驚曰高皇帝以來罕見此官相與載酒偕士民追送之至晉益飭法約束舍人子自宗潢以及百姓咸願久仕尋晉右副都御史巡撫山西以邊事與總督翁萬達意不合為文誓於神慷慨忠義溢於言表因各陳所見交上封事時宰先萬達而後繼魯遂被誣下獄讀易賦詩矢死不折圍中無楮且以飯盃畫壁與同時得罪御史楊爵者倡和百餘名飯盃集知公者百口直之而時宰怒不解竟以疽發卒獄

中山西士民哭於長安者數百人穆宗登極從言官請贈兵部左侍郎諡清愍賜祭墓

嚴

清

字直甫後衛人弱冠中嘉靖甲辰進士授富順令丁母憂補邯鄲令皆以廉能

著聲辛亥徵為屯田主事陟郎中督建外城及九陵綜覈出入省費巨萬出守保定時廷議舉邊才清與焉歷陞四川右轄綜理樽節蜀庫獨贏穆宗初巡撫貴州復徙四川一切公私費悉從減省奏改金錢當輸京師者二十餘萬就近抵陝西佐邊費定番僧貢額罷有司團操蜀民稱便神宗登極之三年再命巡撫貴州條理得宜苗蠻不聞跳梁累遷刑部尚書秉公持平屢自寬抑神宗素知清特授冢卿時癸未冬計事填委所擯斥雖閭里不少庇而引用嚴穴知名之士實多無何以勞瘁致疾四上疏乞歸又二年來兵乏人上特旨起清於家清力辭疏入上遲回久之乃許萬曆戊子特晉太子少傅歲給廩粟與夫

庚寅以疾卒上悼惜之贈太子太保賜祭葬諡恭肅清性檢飭有威儀生平操行尤嚴於取予辭受居官食餼衣敝與僮僕同甘苦及為尚書舊帶敝履無改外藩之日輿疾出都門遵潞河沂大江而行置石輕舟無慙古昔先後里居皆隱於松華別業出則敝車蓋驃馬後進造請惟以治生務學為諄諄其詩隨意興成有冰玉堂集故政府東阿于慎行刻筆塵載清遺事方馮保以罪籍沒得一冊於其家定陵披閱皆籍記朝貴往來事及書清無一字以

段

纁

字朝聘昆明人嘉靖中舉於鄉十上春官不第益發憤向學在京與周洞巖論

慎獨之旨謂本無寂靜惟動不失常者近是不得分靜存動察為二周遂造訪一時如謝高泉萬履庵締交訂盟以得見為幸纁高自標植歸田與胡廷祿遊胡雅意詩文纁曰志

於道者耻為詩交胡以詩謝之曰小子蹶蹶生往事豈不佞諒哉衆星曜何如一月光胡即其居徧植衆卉曰藉此以發生意纁曰生意豈在彼也胡遂悟隨別去及胡卒纁誅之曰始待益於外來終取建於天則自是堅卧不出官於滇者造廬請益終不可得所居湫隘肝江羅汝芳縵云縵自登第當寧對留題其里曰顏巷出縵與關自冬而臥中貴

夏

誥

字宗典郡人舉明經歷職教授自為諸生即究心聖學然意在化誨愚民故藉

淨明忠孝倡為會而耳食者以淨明二字毀之幾陷於罪幸見雲督學陳善素知之往甲其母重其人也晚益精心性學者稱竹牖先生

范立朝

字懷昆明人萬曆丁酉鄉試授滎陽教諭歷陞刑部郎中讞獄無疑滯出為

陝西平涼知府府多宗人恣橫立朝以法繩之共相服罪時韓王薨世子幼有嬖人子謀

爭立暮夜持金為賂玄朝正色云嫡庶之禮何可廢乎拂衣而入王妃聞之亦以多金求為善計復奮然曰此公義曷以私為使慚謝旋以忤給事某罷歸里家居淡泊自甘遇後生小子必教之以禮年八十五而卒崇祀

朱運昌 字際之郡人萬曆庚辰進士為廷評薦更比部讞獄西川上錄囚應縱者百餘

人下司寇覆議悉當遷大衆分守川西條上錢穀畫一之制風行三川累遷福建左布政使中貴人嚙命出稅與關白多所沮抑中貴人欲陷之乃上書乞歸即日登舟當事挽留不得方抵里神宗特簡為右僉都御史巡按福建凡關疆場及生民吏治者所司未及狀達已被符令處分監司而下咸驚以為神奉約束惟謹撫閩前後幾三年朝廷嘉其功待以異數盡瘁國事卒於官上採禮官言賜御祭

傅宗龍 號折蒼昆明人萬曆庚戌進士初任四州巡按征安逾有功晉太僕寺卿隨陞薊遼總督兵部侍郎轉戶部以諫言忤旨罷職崇禎十一年復起四川巡撫尋加兵部右侍郎後加兵部尚書又言事下獄十五年陞陝西總督征流寇李自成屢破賊兵後軍潰被執守義不屈死之諡忠壯

趙 昆明舉人性端方有勇力初授黔龍泉縣時有白蓮教倡亂盜蜂起苗蠻乘間作亂譟率勇士剿平邪教撫順苗蠻又於上元夜設劇張燈誘賊入城調勇士數人執銅錘擊死羣盜四十五人以卓異擢御史崇禎十七年闖賊陷京師脅讓不屈罵賊而死

本朝

虞世瓔 字虞山昆明人由薦辟授光祿寺署丞歷官通政司右叅議精工書法供奉內

廷蒙寵顧二十一年致仕奉歸蘇州書畫詩琴內
旨給驛歸里年八十六卒

曲靖府

東漢

尹珍

字道真牂牁郡毋歛人桓帝時自以生
於荒裔不知禮義願從汝南許慎應奉

受經書圖緯學成還鄉里教授於
是南域始有學焉官至荊州刺史

晉

謝恕

字茂理牂牁郡毋歛人咸和間寧州為
李壽所破有南中地惟恕不從獨保郡

城以事晉官至撫彝
中郎將寧州刺史

傅寶

字紀圖牂牁郡平彝人仕至尚
書郎安長令時號南中人傑

明

張璉

字廷璧曲靖平彝人成化己丑進士授
南刑部主事歷官員外郎中以明允著

遷重慶知府郡中翕然大治丁外艱復補重
慶弘治初南甯閩廣廣彝寇為亂陞江西兵備

副使既至治城池積糧糗練士卒脩器械設
險隘建七縣城堡人皆稱便與當事論不合

拂衣遂行盜復起巡撫鄧廷瓚奏南甯不可
一日無璉特詔留之遂築南康城盜賊聞風

解散尋以疾辭歸璉剛正不阿盤
錯立斷墨吏斂手比歸臺中蕭然

唐時英

字子才鄰人嘉靖己丑進士授平陽令
問民疾苦惟賦稅不均遂銳志履畝凡

宋

六閱月清吏得其平又疏陂塘興水利明年
大旱民得以濟陞戶部主事歷郎中學畫餘

盡為大司農所器重知真定府有水鏡之頌
歷官巡撫陝西籌邊有功御書忠勞二字賜

之致政歸置義莊周貧衣
布茹淡卒屢予葬祭從祀

朱家民 郡人萬曆丙午京舉會試副榜初守涪

副使剿安賊建城十七座并創盤江鐵索橋

滇黔利涉爭陞布政使屢著治績及平寇有

功特進一品服廢二子世襲指揮歸里好義

樓積書凡有志之士皆
養於其中人咸頌之

臨安府

張隆 字伯興建水人正統間由國子生授杭

州府知事以廉能被薦歷陞本府知府
有濟湖築堤功入覲治行為天下第一天順
間聞毋計奔歸廬於墓側有狐兔馴伏之異

人以爲異中
孝感云

羅珣 字用誠臨安衛人成化丙戌進士爲刑

部郎中出知桂林府時西延陽洞諸蠻
出劫興全珣檄州縣簡練民兵潛扼山口
躡殺幾盡諸蠻斂迹旬是不敢窺興全

張西銘 字希載寧州人海之子幼穎異博學中

成化乙未進士授江西金谿知縣縣多
豪猾下車致其尤者庭誨之人皆感化會撫

州饑諸屬枹鼓數起獨金谿人相戒勿爲盜

縣有虎啣人蝗食稼爲文禱於神患遂息以

治行徵拜河南道御史巡按遼東治城塹核

軍實再按蘇松發粟賑荒所活甚衆常熟民
錢氏爲怨家誣以不軌銘召訊其屬無實狀

送京果得白後督學畿輔
士類心服著有鶴軒集

楊僎 建水人嘉靖丙戌進士官吏科給事中
疏靖難諸忠節事留中不報時論多之

仕至參議居
鄉以德稱

萬文彩 臨安衛人嘉靖戊戌進士令富順成安兩邑老成練達祛弊節冗兩邑戶祝之

擢南戶科給事中彈劾不避權要疏禦堵馬市皆切中邊計出為貴州參議賑饑民擒妖

賊陞四川威茂兵備退吐蕃之寇邊賴以安告歸日娛書史淡泊無營年九十卒祀鄉賢

蕭崇業 建水人隆慶辛未進士識度弘遠生平無疾言遽色以庶常授兵科給事歷戶

工二垣先後封事數十上禁侈靡開泃河効欺弊調驛傳奉使冊封琉球歸報命晉兵科

都給事歷官南都察院右僉都御史以母養告歸尋卒賜祭祭墓

包見捷 字汝鈍郡人幼穎異八歲時太守錢試以七言詩應聲而對錢奇之登萬曆己

丑進士選庶常為董其昌焦竑等所推重轉禮科給事中歷陞戶科都給事萬曆間遣中

貴分出榷稅採金每中旨出輒力諫章凡十餘上詞意激切上震怒將逮治政府挽回始

薄責降貴州布政司都事癸丑始詔入為戶部主事遷尚寶卿尋晉太僕寺在朝公卿以

捷熟於典憲凡大議輒就諮詢多所匡濟出撫江右戡宗人練軍實甄流品特簡吏部侍

郎明年入京師護喪之慶陵病卒詔贈工部尚書賜祭墓

澂江府

蜀漢

李恢 字德昂建寧俞元人任郡督郵太守董和貢恢於州未至與先主遇於綿竹先

主嘉之遣恢交好馬超成都既定先主領益州恢以恢為功曹書佐主簿遷別駕從事章

武元年庾隆都督鄧方卒先主問恢誰可代者恢對曰入之才能各有長短孔子曰其使

人也器之且夫明主在上則臣下盡情是以先零之役趙克國曰莫若老臣臣竊不自揆惟陛下察之先主策曰孤之本意已在卿矣遂以恢為康降都督使持節領交州刺史先主薨雍闓等叛丞相亮南征先由越雋恢按道向建寧諸寇圍恢於昆明時恢軍少又未得亮聲息給南人曰官軍糧盡欲還吾久斥鄉里乃令得旋不能復北欲還與汝等同計謀故以誠告南人信之稍解嚴恢伺懈出擊大破之追至盤江接牂牁與亮聲勢相連南土平定恢軍功居多封漢興亭侯加安漢將軍後軍還南彝復叛殺害守將恢往招討鄒盡惡類徙其惡帥於成都出耕牛戰馬金銀犀革克繼軍資建興七年領建寧太守還居本郡徙居漢中九年卒子遺嗣恢弟子球羽林右都督隨諸葛瞻拒鄧艾兵敗死於綿竹

明

余五國意欲明王業於此世宗皇帝親征回紇貴衣出師於此金兵出師於此

楊以成

路南人以明經為貴陽府通判分署畢節衛積資論勞陞同知仍官其地天啓

大

二年水藺交關成潛具蠟書告變滇撫發兵西援至畢節賊兵圍衛城以成督滇兵與戰

却之已而賊兵夫集滇兵遠來勞逸多寡勢不相敵成知事不濟令吏懷印乘夜取逕路走貴州自以死守當賊鋒未幾城陷成投繯不死賊擁逼入營成無變志賊遂殺其家口十三人獨其弟以榮不死成又將賊中情形函竹付榮復入滇告變行至散納溪為賊所獲得其書遂併以成殺之官僕同死者十五人黔中丞以聞請贈官恤其後廕一子錦承世襲建祠祀之

廣西府

明

楊繩武

字念爾，彌勒州人。偉貌，洪聲，兼資文武。以選貢中崇禎辛未會試，由庶吉士授

監察御史

巡鹽河東，浚鹽池，完逋課，值歲大饑，設粥濟民，存活甚眾。妖賊以白蓮聚眾，捕

獲首惡

其黨立解。巡按河南，土賊郭三海聚眾數萬，率兵擒之，截殺流寇，不敢犯境。遂自

河南回京

條陳數事，召封平臺，稱旨擢僉都御史。巡撫順天，馳遵化，時流寇猖獗，懷宗以

勦賊任之

晉兵部侍郎，總督軍務，賜尚方劍。繩武治兵有法，汛地無虞。復命旋京，會松山

告警

廷推赴援，再令督師。繩武時病劇，輿疾行至豐潤，卒。年四十有六。上聞震悼，贈光祿

大夫

太子少傅，兵部尚書。予祭，塋於京。祭塋廕一子，世襲錦衣千戶。

大理府

漢

盛覽

字長通，樸榆人。從學於司馬楨，婚。所著

組以成

文列錦繡，而為贊。經一緯一宮一商此賦之跡也。賦家之心，包括宇宙，總覽天

物斯乃得之

於言。三不備，故曰賦。賦者，賦也。內不可得而傳，則入賦。賦者，賦也。內不可得而傳，則入賦。賦者，賦也。

張叔

樸榆人。天資穎異，過目成誦。元符間，聞司馬相如至，若水負笈從之，授經歸教

李

鄉世襲立。李人樸本，樸榆人。天資穎異，過目成誦。元符間，聞司馬相如至，若水負笈從之，授經歸教。

晉

龐遺

秀才，樸榆人。咸和二年，李特據蜀，李遺雄寇建寧，遺起義兵，攻雄，雄遂走。聞公

唐

段宗勝

南詔清平官，師于國伐緬，緬求援於南詔。宗勝救之，勝知南詔主老子世隆幼

權臣楊苴顛恣擅其篡奪因請重其事權得專生殺許之乃限七日齊軍統矢苴顛子違限立斬以徇既入緬敗獅子兵緬王酬以金寶不受惟取佛舍利歸至騰越聞南詔主

死苴顛篡立宗勝與苴書云王崩子幼聞公攝位國家之福曩援緬獅子國不戰而潰緬王酬我佛舍利宜率國人迎之境上苴顛得書服龍衣執金爐陳儀衛出迎舍利南下拜

郎斬之歸國求世隆立焉

明

楊南金

字本重鄧川人弘治己未進士授江西泰和令民有三不動之謠以刁惡財力權豪也及擢御史值逾瑾縱恣其黨為總憲凌轢諸御史南金遂拂衣歸是日即行二百里瑾聞之竟追不及除其籍嘉靖間詔起耆宿晉湖廣僉事又晉參議乞骸骨歸鄉閭德

李之年八十卒提學胡堯時造其廬恤其孤作祠祀之

楊士雲

字從龍太和人弘治辛卯鄉試第一中丁丑進士授翰林院庶吉士改給事中

李元陽

字仁甫太和人嘉靖丙戌進士授庶吉士文譽甚都會以承嘉旨出翰林習吏事知江陰縣有循良績召入為御史遇事敢言如止輦承天詰奸東朝當世推重巡按關中墨吏望風解綬遇文墨士雖布衣亦優禮之薦舉者逸林富馬鳴衡等都試監臨所得

士皆極一時之選程文一出其手持正不阿為當事所重會以扈從出知荊州府築堤捍江民鑄碑志德尋罷歸家居四十年精研理學所著心性圖說與羅念菴王龍溪相印

可其為詩文勁爽瀟灑南克任忠齊翰謂中
谿晚年之學如霜清歲晏萬象森嚴長松在
壑剝落英華收斂神氣復歸其根也壽九十
無疾而終所著有中谿漫稿存藁艷雪臺詩
等書行於世

趙汝濂

字敦夫太和人嘉靖壬辰進士選庶吉
士為考功主事內察時總憲謂御史某

李

某應調曰數官未聞過蹟曰稍欠風力曰考
察摘過豈宜斥無過之官耶總憲唯唯郎署

魏某

者端人也尚書欲黜之力爭得免事竣
疏將上趙文華在黜中冢宰曰趙某者內閣

簡信

決不可黜公曰趙某不黜則無可黜之
官其剛直如此晚擢都御史諤諤有大臣節

致仕

家居益敦內符不治產業營一草庵廬曰
覺真推俸與弟兄族人同之

李東

字震甫太和人隆慶辛未進士知際壯
縣成都有親王租稅地諸宗人與邑人

及傍邑人爭畔結訟多掣肘又臺司郡長往
來應酬民疲奔命襲習頑梗素為難治東親
事期月種種治辨上官翕然稱之彭縣有子
殺父獄人重其事命往讞盡得逆狀當事猶
鄭重不敢決時恤部使取囚復驗忽震雷擊
囚死益訟其神明灌口故有分封茶山藩邸
人侵界牟利久不能決東躬履其地博訪獨
斷遂成定案詔為御史諸所論劾皆大奸奉
命督修乾清宮羣閣奉約束上嘉其功賜金
幣丁毋艱歸服闋巡按嶺西肅吏安民禦彝
平獄時有寨彝之警粵撫意在用兵東曰小
醜不足煩斧鉞宜招降解散及得代當再入
楚自念楚相國里也於相國稱門下士不委
蛇為媚則徑直為沽遂乞身引退抵家益事
閣修崇尚正學有詔搜括遺直廷議稱其名
御史宜還詔下郎上書言保身致平之術當
寧齋顏受之未幾擢南寺乃連章請老隱於
點蒼麓趙用贊謂震甫文宗愚谿詩法少陵

理學師白汝
咸得其秘

艾自修

鄧川人萬曆庚子舉人性孝友任知縣多惠政制歸廬墓六載手植松柏地溢

孝泉應聘講學奉旨旌曰當代名儒其兄車自新以選貢入成均卒業亦為理學宗望

永昌府

蜀漢

呂

凱字季平永昌不常人仕郡五官掾功曹時雍閬等聞先主薨驕黠滋甚都護李

嚴與閬書六紙解喻利害閬但答一紙其詞倨尋又降於吳永昌在益州西與蜀隔絕而

郡太守素改易凱與府丞王伉帥吏民拒閬閬移檄永昌意在迫脅答以檄詞旨嚴正由

是恩威內著為郡中所信故能全其節及丞相亮南討閬為高定部曲所殺亮至南中表

奏凱伉等執忠絕域十有餘年雍閬高定偏其東北而凱等守義不與交通臣不意永昌

風俗敦直乃爾以凱為雲南太守封陽遷亭侯會彝叛遇害子呂旌晉太康中遷南彝校

尉其後子孫三世為永昌太守李雄破寧州諸呂獨不附舉國固守世稱其賢

明

楊元

字務本郡人潛心理學終日靜默頗悟邵子先天數學人有叩者言無不驗為

諸生卒業太學歸隱居不仕甘貧樂道從學者甚眾當路重其人函饋之無所受或封識

藏待其去任返之所著有納甲圖九圭數學墓指南行於世稱曰楊象山先生

張志淳

字進之郡人成化庚子鄉試第一甲辰進士弘治間授吏部文選主事歷陞選

郎遵執掌公輿論用賢拔滯門無請謁與天台黃元昭先後齊名正德初擢太常少卿提

督四譯館懲入館子第空名之弊俾舊習一變時論多之晉南戶部右侍郎尋致仕晚年以圖書自娛所著有南園集西銘通南園漫錄永昌二芳記諸書年八十一而卒

戈允禮

保山人天啓壬戌進士初任麻城縣令弊絕風清邑人比之召父擢戶科給事

轉吏科彈劾不憚權貴忠言讜論畧無回曲歷南京府尹陞工部侍郎著有四書正眼知儒管見楚志載名宦

本朝

王弘祚

字懋自號玉銘永昌人中崇禎庚午鄉試歷官戶部郎中督餉大同

世祖定鼎擢寄嵐道復留大同理餉務再歲以才能召仍官戶部郎中是時天下初定圖籍散失弘祚精於典故善強記凡直省州郡錢糧之數皆綜核不忘戶部特疏委修賦役全書

一準萬曆間法例書成上之

世祖皇帝勅諭頒行天下用是加太僕寺少卿遷

左右侍郎俄晉尚書加太子少保旋加太子太保

世祖皇帝御南苑召問天下錢穀出入之數弘祚對中肯綮

世祖嘉悅尋議謂安民生必首絕私徵講強兵則首嚴冒餉至水旱災傷則蠲恤宜速催科期

會則程限宜寬語甚明暢時滇南初入版圖上籌滇條議十餘事及聞父母訃音疏乞回籍終制

世祖慰留以墨練視事辛丑歸雲南營塋事皆荷

郵典予諭祭事竣還朝改刑部尚書未幾復調戶部會星變求直言上疏剴切會有主裁

州縣存留與變漕糧官運為民運者弘祚固爭不得遂以兩議上僉如其指無何以失察吏胥當報罷令

上悉弘祚忠詔留守補兵部尚書庚戌乞休疏再

士悉上得請馳驛給俸至金陵感疾疏辭奉不允
上居秦淮之上以恬淡自怡數年卒

賜祭葬諡曰端簡子瑜工部員外郎瑄
和州知州從子璋澤州守皆以蔭補

鶴慶府

明

趙德宏

字有容郡人正德丙子舉人累官慶府
長史孝友謙恭事父遠以孝聞及廢京

毀骨立徒洗借傭人肩板以歸既葬廬墓三
年有白犬護墳馴鳥巢樹之異知府汪標聞
之親至墓所慰贈有加巡按唐龍奏聞榜其
居曰孝子趙氏之門所至以清白稱刑順慶
日郡有疑獄三事久不決宏一訊立白洗其
寃者十餘人及知潼川賸錢悉令輸粟得粟
萬八千石明年大饑死者枕籍獨潼川得免
又重興建圯城措置有方朞月而竣民不知

勞潼人爲立祠祀爲左史時撫輯彝人常却
金八百及歸行李蕭然包御史大節以禮有

問爲立孝廉坊郡人
因名其里曰孝廉村

彭

富

字仲禮郡人嘉靖壬戌進士授崑山令
入爲戶兵二部主事出守紹興以廉操

薦異等入覲上慰勞有加親賜聯云帝近春
長在官清樂有餘歷黔副使參政按察轉四
川左右布政先後平李富征十寨討建越均
徭役寬權稅平出納所往以功德著四年巡
撫貴州節束鎮靜彝漢帖然尋致仕歸家無
厚產蔬食敝袍恬然自適而性剛介不妄言
笑有古
太風

楊棟朝

劍川人萬曆癸丑進士居禮科時值魏

後起補吏科遷光祿寺卿其劾璫奏疏載在
明史與楊左爭光焉

段高選 劍川人萬曆己未進士任巴縣有循聲

會辛酉奢會集兵渝州一切治辦俱選

經理此從上官點閱見會有叛心陰令吏歸

印於署與父汝元訣及奢會倡叛眾官駭散

選獨躡踴大呼不去會知選廉明戒勿殺選

罵賊不絕口遂死於亂斧中變聞父汝元母

劉氏側室徐氏及孀楊女泥金相繼死於署

僕段黑子挺身赴演武場索選尸亦死之至

崇禎初選長子暄叩閣賜諭葬祭益恭節

勅建昭忠祠以祀之段黑子均從祀焉

蒙化府

明遠

雷應龍

字孟升弘治甲子舉孝廉第一正德戊戌進士授莆田知縣條行八禁皆切時宜巨璫督責方物甚橫力折忠至拘縱平賊築堤堰毀淫祠大愜民心為御史奉勅巡鹽

兩淮政暇引諸生講正學江都祠堂歲久圯壞檄有司新之因災異疏八事曰務實學親大臣放宮人去無益正禮教改編發宥罪誦均賦役世宗嘉納尋有申貴乞織造得請公又屢疏極論不報憤鬱而卒

鄉賢

雲南府

蜀漢

孟

唐

張志誠

善聞人大和中入都學右軍書甚得其妙南中士人競從之

朱提人建興三年諸葛孔明南征收用豪傑為官屬舉琰仕至輔漢將軍

雲南通志

元

張景雲

字天祥郡人優於理學能文章授登仕郎

明

李

忠

初名特郡人洪武中選貢入監宣見便殿賞賚甚厚賜名忠中應天癸酉鄉試

登進士任陝西鳳翔知縣威惠兼濟有循吏風

洪

誠

字克敬郡人少厲志行永樂辛卯解元登戊戌進士累官四川順慶知府所至

皆以廉而卒
明稱

段

鑑

字至明郡人永樂辛卯薦舉宣德間任四川嘉定知州斷獄如神陞廣東惠州

知府卒於官
兩地立祠

楊

益

安寧人字用謙永樂間以貢入太學先是明成祖夜夢赤龍扈從若扶掖之狀

次日視朝畢徧察臣班無朱衣者益時以國子生隨朝因天寒著赤氊衣於監衫內上見大悅欲以卿貳入座待之冢臣謂非宜遂授兵科給事中歷陞工科左右給事上常詔與對奕時以手撫之恩遇篤至洎仁宣二朝乃出守漢中又調繁成都多惠政告歸從祀

鄉賢

趙

璧

字蘭完昆明人成化壬戌進士歷官郎中太監蔣宗誣奏南科後湖不法事行

璧勘直之宗奏璧右科道左遷吉安通判歷四川副使所之多善政後乞歸著茶花譜及詩文集

李宗泗

字希顏昆明人儻有智畧幼從父李應宦籍於彭山成化甲午舉於蜀辛丑

成進士授池州府推官以廉能著績陞南廣
西道御史有丰裁時馬政多弊宗泗一肅
清之遷辰沅兵備又調山東僉憲弘治戊午
曲阜聖廟災撫臣陳璘疏入命重建俾泗董
其事廟成賜金幣尋陞江西按察司副使會
長河等洞賊攻掠郡邑泗出奇設伏屢以捷
聞勞瘁過甚年五十七卒於官廉使張賓副
使邵寶布政林泮楊守隅等為文以挽之崇
祀鄉賢

李宗儒

字希雍昆明人幼穎悟留心理學登成
化甲辰進士丁父艱哀毀骨立廬墓三
年服闋授刑部主事以平允稱陞本部員外
兄宗泗以南臺御史入覲同謁楊文忠皆目
為令器後卒於官囊無餘物惟退食漫
吟遺藁一帙金齒張志淳為之銘其墓

吳九功

字時叙郡人咸化壬子舉人任山東僉
事齊東歲饑貧民相聚為盜功單車抵

王

賊巢諭以禍福皆感泣解散

唐

瑤郡人咸化乙未進士為西曹郎持法不
阿有容懷金夜入其門却之亦不發於
人歸稱貞碩先生

夏

暹字景升左衛人弘治甲辰進士歷湖廣
叅藩兩任皆有廉名陞苑馬卿適用軍
兵官以首功數十歸公却之轉廣西左布政
卒於任孫較以明經典黔之畢節學三世皆
清

繆

白字元素郡人弘治乙卯舉人任成都通
判董師征蕃嚴戒妄殺攝司李讞獄多
雪冤抑新都楊文忠公贈之詩時有宋姓者
以豪俠為不法白廉得之欲竟其獄直指不
可鬱鬱不樂後陞任麻哈州守遂不願仕請
歸事母曲盡色養母歿哀戚林卧四十餘年

以盛德稱及卒貧不能殮子孫稱貸以葬之今崇祀鄉賢

陳

淳

字唯素呈貢人弘治辛酉舉人江南太平府通判值滇中安鳳之變篤志立隴

樞冠歸督學吳鵬謂諸士曰學師當以陳為法總督伍文定建節時造其廬先是太平有疑獄淳辨之其他善政及人者多每用旃檀刻像祀焉居家以詩自娛不治產業言論篤實給諫傳良躬稱其未仕則富既仕而貧嚴於義利明於出處至今鄉人言耆舊必稱陳澹齋先生

傅

澄

字景深郡人正德丁酉舉人任四川中江教諭歲饑捐俸為粥以濟貧寡人皆

德之公素乏嗣遂舉子乃決意歸田課子後子貴贈如其官祠蜀名宦祠

王

輔

郡人正德丁卯舉人四川南部令豈弟節儉遷學得地科名之應捷焉人稱曰

古君子子廷臣遵訓著孝友聲由龍安郡丞歸以僉舉父子同日入祠

朱

尹

安寧人號朗亭正德庚午舉人初任崑山學諭陞國子監助教聲傾六館守巴

州多善政歸里澹然有逸民風祀鄉賢

羅

江

字孔殷嵩明人天性英敏弱冠登正德甲戌進士授建昌府推官直躬厲操抑

折豪強卒於官士民哀之祠名宦

胡廷祿

左衛人正德丁丑進士官南戶部郎中與呂涇野鄒東郭講究正學出為河南

按察副使會肅宗南巡渡河濱舟後至逮督撫及廷祿俱削籍歸田足蹟不至公門以篇什自娛顧應祥與同榜先後撫滇未嘗一見後遷秩去造廬促之不得已而出良久以果酒別於家太宰嚴清云廷祿嘗往拜公庭除淨掃燕冠常服竟日無惰容每授餐四豆而

已所著書多散逸楊光祿諫曰庚桑
深居泄柳閉戶城闔如林竹松為伍

陳常道

字子中呈貢人由正德已卯舉人為學
諭登嘉靖丙戌進士授富順尹蠲鹽課

賑荒民尋陞主政疏請終養服闋補陞常德
守屢辨疑獄運麻陽真餉有功陞建昌兵憲

乞歸杜門靜習手錄薛西
園註參以見解多所獨契

張

素

字季文安寧人生有異相登嘉靖癸未
進士歷官四川巡撫都御史以才諳著

聞歸舍恬靜無
營品高月旦

余應桂

字夢徵郡人嘉靖丁酉舉人幼孤事母
至孝嘉靖中為灌口令保民如子採山

大役報成而民不擾蜀民頌之陞重慶同知
清戎理讎有能聲後知南康府興學正俗均

糧息盜
入覲卒

周

棐

字公輔楊林人嘉靖丁酉舉人選新蔡
諭攝汝陽邑符救荒全活者眾令廬山

彭縣咸有惠政入名
宦本州入鄉賢祠

楊秉和

字節甫郡人嘉靖庚子舉人初尹臨漳
却金辭獄遷汝寧會宗府奪地自益疏

聞下臺臣久未決即慷慨啓王陳利害還所
奪地以歸民時稱廉能歷刑部員外郎援例

乞
歸

石

銀

呈貢人嘉靖庚子舉人令合江縣遷隴
州知州所至以豈弟拊循其民而慝直

不善宦左遷韓府長史父老詣闕上章言願
借公數年又有追隨至家勸駕再出者銀答

以詩竟隱於大漁村自食其力薄田敝
廬之外無所增益窮約終身無慍色

張

橋

字衡如郡人嘉靖己未進士授水部主
政管南旺閘河刻意河防運道不滯竣

事還京擢寧夏兵備僉事急葺邊牆重罰剝軍者西賊爲之捲幕尋以浮議罷歸精心墳典自六經子史旁及真詮釋典裨官小說靡不研究天才卓邁萬言騰涌有梅花懷母諸詩鄉人傳誦尤精書法至今得其隻字爭寶之

顧天祐

字吉甫郡人嘉靖癸卯舉人任建始令孤城介在蠻峒歲比不登艱虞百端公竭力保障招輯蠻黨綜覈隱占邊鄙寧謐還保寧別駕捕大盜得其盤踞之窟盜黨密拔以重賄丐免却之致政歸里以經學授徒杜門講業所著浮談著說等書藏於家畫小像自爲讚謂生平無愧作事卒年八十餘

郭斗

字應秀郡人登嘉靖癸丑進士初令孝感伸疑獄得真殺人者伏其辜召爲南戶科給事中毋憂服闕補北垣轉山西按察副使覈郵符寬民力觀察貴州安國亨構殺

罰粟而止平道途以利滇黔出入歷浙江左轄致政歸萬曆初再起貴州尋歸田里時賦詩作書構小樓於進耳山扁舟往來會心自適者十餘年一夕方在吟席忽擲筆於案遂不起

龍施

字德敷前衛人嘉靖乙卯鄉試第一初任峩峩學諭歷任戶部郎中所在聲稱藉甚陞河東運同以母老子養家居二十餘年不入公門當事者屢薦不出澹然自樂著書之外制藥濟病時視親戚有緩急輒捐資佐之所著有露林蟬嘯心濟醫宗歸田百韻田園雜興集字和韻林皇漫興郡書集韻吟稿諸書及卒祀鄉賢

黃鳳翔

字冲霄郡人與其兄翽火相師友始爲會觀風合試兄弟第疏爽偶刻新碑令暗中索模之限以五索不待五而呈其依古點畫

一不遺始驚異稱賞乃屢試不偶至乙卯初
 場為房考所棄及取其表讀之駢麗精絕遂
 驚喜以薦丙戌成進士為西曹郎尚風節有
 閩宦盜宮嬪寶簪尚書唐漁石為翔座主屬
 鞠鞠之乃直窮其狀唐大恐為構禍端遂麾
 為重慶守因訊黃總戎事執法不阿為當事
 所忌拂衣歸杜門理舊業所著甚富蜀人簡
 西密常問楊慎曰黃竹泉平平耳曰公無言
 如竹泉者字
 內未易得也

李茂陽

字三山昆明人蚤喪父事寡母至孝與
 兄向陽讀書寒暑不少怠家窘其司徒

劉輔造訪贈之金不受嘉靖癸卯甲午相繼
 舉於鄉授四川南充縣諭士類多所成就遷
 大足知縣縣苦盜初被獲茂陽泣謂曰爾朝
 廷赤子總因我輩不能撫愛遂至此守千金
 釋去暮年盜風大息會代巡獎薦者再命出
 查盤以直忤兵巡遂乞歸終養士民素德其

善政皆泣送之還里後杜門不出惟養親
 課子而已所著有歸來園集卒崇祀鄉賢

朱運久

安寧人隆慶元年恩貢初選陽城府通
 判陞提舉請告歸居鄉不輕入公府干

預時事不置田宅僮僕守法人至今稱之子
 組纓貢士不仕以理學鳴所著之錄多悟語

王制

昆明人隆慶下卯舉人任思南府推官
 代郡守入覲凡資費皆取諸其家行取

御史例轉韶州僉事晉以能自標植操
 守清潔比歸好義歲歉賑饑鄉里德之

孫繼先

字志顯郡人隆慶庚午鄉薦居喪謹守
 禮度筮仕興化教諭輕財愛士遷陀陵

李

知縣奉檄紀驗賦嵩招降賊屬三首重蒙賜
 金再遷土布西知州州故為思明黃猱竊據

弘治中始討之收其印付流官仍以其地轄
 於蠻州治荒僻流官視為畏府率寄妻孥於
 太平府歲一履其地繼先始携家居之闢草
 萊拓城甃井奠其神人比於列郡事載粵西

通志中洎遷承天同知有築堤救荒之績左遷荆王長史晉中順大夫歸以古禮倡邑人冠婚葬祭一軌於制見人服食華美常目攝之人憚其嚴有易服而見者稱篤信之儒云

李聞馨

字德華昆陽人萬曆癸酉舉人知四川新繁縣奉檄覈倉儲論罷委吏數人郡

太守有鄉曲人在論中馨奉法不顧陞茂州

守左遷歸昆陽有鄉真恒苦征調馨為白於右轄去其籍萬曆

四十八年不祀

施堯化

號泰維昆明人萬曆甲辰進士初令湘潭有巨猾善邪術詢得其情擒治之外

艱服滿補長葛地偏賦繁盡革羨耗次調光山有不逞之徒為逋逃主廉得之積豸以清

俗多健訟以片言折之即止司左右袒不徇

也他如修城池節學宮新司馬祠宇不濡時

奏功民忘其勞擢銓部悉心延訪善甄別轉驗封郎中乞歸閉戶蕭然不至公府卒祀鄉

賈

張

薰字伯舜歸化人萬曆丙子鄉薦掌教中州是時蒲坂楊俊民為督學謂其人與

文不槩見乃優選六館國師得其詩稱賞焉歷大理司務西曹郎獄無大小靡不稱平奉

命讞囚三川多所平反每與直指使相左遂罷歸後崇祀鄉賢

王希堯

字惟中郡人萬曆己卯舉人就教竹山陞鐘祥縣令捐頰苛與諸猾休息幕府

嘉其尤異調藤縣在官以實心實政惠及閭閻後親老力請歸養侍眠食者十年每歲終

以錢米濟鄉黨貧乏今祀鄉賢

羅大器

號滄岳安寧人萬曆壬午舉人任山海通判清屯選銳邊關倚重前後薦剡十

上適值權貴高淮肆虐獨力砥柱罷歸士民攀轅載道居鄉二十餘年起用歷陞岳州知

府丁繼母艱歸絕蹟公
門官師鄉黨雅推重之

劉文徵

字右吾昆明人由萬曆癸未進士歷任
紹興知府考清廉第一民有漢明二劉

之謠官至布政使致政歸里禮教甚嚴著作
多傳於世前纂修通志皆其手筆也崇祀鄉

賢

朱思明

字用晦昆明人萬曆己丑進士授刑部
主事署本部郎中適寧夏之變神宗怒

逮及軍府重臣俾思明掌其獄為具爰書一
時國體賴以全焉嗣命欽恤廣東獄無冤滯
累遷河南按察副使會大饑思明設法以賑
全活甚眾又開漳河十餘里開封歸德二郡
皆利之民感其德各建生祠陞本省右叅政
管理河道時河決冲沒民居以萬計歲漕不
通思明倡議開漳河二十餘里勞瘁無虛日
閱四年始告竣陞廣西布政使宗人多弛縱

思明繩之以禮法泊黎賊出沒官軍多濫殺
以冒功思明常詣獄清讞之至鹽政積弊盡
情釐剔乞終養歸恬靜自怡
足蹟不入公府惟課子而已

孫光前

邑人萬曆戊子舉人授宜良學諭入補
國子監博士遷沅州知州沅為輪蹄孔

道官民苦於供億力從樽節使客往來自為
館餐州民以甦調嘉興通判未幾歸僅二鶴
隨又以資罄粥鶴
於途崇祀鄉賢

朱化孚

安寧人號岱晟萬曆壬辰進士初授行
人主試黔省得王潘婁諸大臣及任兵

曹凡非尺籍什伍而以虛名冒蠹者悉驅除
既掌武選條選法六事抄選有法成遣有籍
併序有例援納有禁雖更百曹郎無能輕變
其法隨有銀夏之擢錢糧必清斥垢必謹至
參黔藩止營兵之亂司楚臬稱刑罰之清告
歸里乃結詩社日與親友故人為文字飲繼

奉旨講學閩里為榮所著有賁幽吟陽城紀勝行於世

趙日亨

號貞所安寧人萬曆辛丑進士由太常博士選御史福藩之國中使麗交膳田

宋

騷動連省亨抗疏調書得允山東歲饑民亂劫東平章丘諸邑亨奉命巡按請蠲賑撫脅從乃底定時有監司恃妻父為首輔行殊不法亨劾之并及首輔由此外轉川南兵憲值

奢酋叛捐俸募死士斬叛目黃光輝率兵解省城圍晉秩賜金邛雅皆有祠祀之會以病

請門人張星曰師勲已勒岷峩樞撫在旦晚間何遽言歸也亨曰年來中外任事者率植

黨營私大亂將作每思匡救愧選踪力微忍逐流浮沉乎遂以黔左轄致仕著寤歌樓集

崇禎丙子題祀鄉賢

楊師程

字道南安寧人萬曆戊戌進士為楚湘陰令多善政報最拜御史獻納糾彈請

馬

訓諸考選指陳邊事按部河東清餘鹽豁商連十餘萬條議十數上咸奉俞旨三請終養

王

未報而詐至批廬未幾以哀卒師程慷慨有大志言論英發文章事業炳耀當時天下莫

不知其有節取言所著有疏草行於世祀鄉賢

楊鳳

字明禎安寧人萬曆甲午舉人仕蜀為順慶別駕攝府事賑饑全活甚眾遷刺

海州築堤遏潮以通鹽船歲省運資累鍾萬青交饑民徙海全活以萬詎招集流亡千餘

給牛種復業開墾五百餘頃報陞南康士民遮留得請允洽海去五年薦揚者二十九紀

錄者七又取餉免民加派會部按交剗卓異有旨優擢加四品服俸三守太原擒妖定傾

多著異政尋遷順慶太守值奢酋變練兵助餉賊不敢窺入覲晉監憲引疾歸以蜀功進

階鳳為人不要言笑喜愠弗形居鄉皆服其德量黔國公以師禮延之兩奉人才啓事堅

母不出結舍慈山
之祥崇祀鄉賢

劉鼎新 呈貢人自為諸生即存心利物鳳克發
難邑中亂民有思揭竿應之者倡義勇

先發擒十餘人邑民怖然歲歉常減價出糶
中已酉舉人在四川雙流縣知縣丁畚寅之

變令縣民老弱婦女匿他所獨與丁壯居守
賊至開門延入賊以為易競入其治新卒僅

僕手及二賊出伏兵與之戰賊詐無所施死
於狹巷甚眾其後凡三攻之皆不能得志遂

督鄉兵援省城賊望其旗咸避之成都圍解
以功陞叙州府同知監兵攻蘭州斬渠魁魯

仲賢收招萬餘人
以積勞卒於嘉州

王錫霖 祿豐人號仲山天啓壬戌進士屢官至
詹事府正詹校卜二次後予告歸里沙

途之亂起義討賊不
克被執不屈死之

馬乾 號洛水昆明人崇禎癸酉舉人初任廣
安知府政稱廉平舉邊才卓異四川巡

撫邵博春留署夔州府時張獻忠圍夔城凡
二十餘日乾誓與城俱碎伸大義感激入心

親冒矢石隨機致勝督師閣部楊嗣昌援至
賊敗遁崇禎十三年題擢川東道僉事陞四

川巡撫甲申帥師禦寇於內江孤
軍援絕死之事聞贈兵部尚書

曲靖府

蜀漢

爨習 建寧郡人諸葛亮平南中收其
俊傑為官屬習與焉官至領軍

明

陳軫 字用昂郡人天順庚辰進士授刑部主
事恤錄江南多所平反擢員外郎才猷

刺 茂著尋按察福建兼兵備邵武值倭寇報警叱馭而行卒平倭亂丁外艱哀毀骨立忠孝

至篤

胡 潔

字汝清郡人正德戊辰進士初任湖廣黃岡知縣興賢剔蠹通水利農皆有成

績遷監察御史巡按直隸浙江兩省軫民懲貪凜有風裁尋以內艱歸不出晉光祿少卿

倘伴山水詩文自娛每朔望必燕會同宗以示敦睦

陶 廉

字介夫郡人嘉靖己丑進士歷官九江知府有惠政卒於官崇祀名宦

莊自勉

字子貴郡人隆慶恩貢官德陽令戒都衛卒為其尉凌虐尉以事入德陽境衛

卒潛聚於仙人鎮欲殺尉縣捕兵救之得免尉反告鎮民窩盜殺人縣令不覺察徹於臺

司鎮民懼罪逃匿勉如不聞徐縛衛卒十餘白其狀上下恬然民胥復業軍興輓運時值

審丁郎照丁給米運之民以不擾居鄉多德讓奉文祀鄉賢

傅遇高

字克升郡人萬曆戊子舉人由宜陽學諭歷官南昌府判終養不仕著樂真蟬

鳴梅花百咏藏海探珠等集又刊文廟通考先師聖牌崇祀鄉賢

謝得申

字芳洲郡人萬曆壬辰進士初任順慶推官有直聲撫按以銓諫薦命下得申

卒奉文入祀鄉賢

馬夢箕

尋甸人萬曆己酉舉人任羅定州守陞常德知府鄉人欽其清介公舉入祀鄉

賢

朱世昌

字章義曲靖人萬曆辛丑進士任舒城令有政聲晉兵禮二部主事居鄉建桂

像郡人舉祀鄉賢

莊大化

郡人萬曆己酉舉人知鄯縣秉性清介自月俸外未嘗取民一錢火耗贖緩痛

未

加革除署清如水至晨炊不繼晏如也六載考滿陞玉府審理貧無以治歸裝士民斂金

以贈力却之留滯岳陽三載訓蒙自給

臨安府

明

楊鈞

字大用寧州人元時任威楚通判後避地景東明師南征鈞勸土官歸款頴國

公上其績除通政司知事歷陞戶部郎中等陞雲南土官參議劉三吾稱其在官以忠居

家以

張文禮

寧州人志尚卓磊永樂甲申進士疏陳不習吏事乞就學職授雲南府教授教

士勤勞尋乞休居鄉訓徒名士皆出其門臨安甲科自文禮始

張海

寧州人由選貢宣德己卯授揚州推官有異政擢河南道監察御史正統北狩

同于少保謙迎立景泰授福建監察御史討延平巨寇鄧茂七陞貴州廉使值苗民作亂

按營撫綏一省以安賢勞益著卒祀貴州名宦

李旺

河西人正統辛酉舉人授戎縣知縣初蒞任寇賊猖獗躬率眾擒之歿於陣事

聞贈叙州府通判賜勅褒廕有司立祠祀之

王景

字啓昭臨安衛人成化辛丑進士任中江知縣鄒智稱其有清慎勤之風賦三

事堂詩以美之正德初陞四川參政官績懋著祀蜀名宦

王璟

字明仲水人幼聰敏為諸生時粵人張某以謫戍放歸鬻妻為資相別慟甚

王璟遇為贖其妻與同歸後成弘治庚戌進士授懷寧知縣興學治水以最聞徵為御史時

逾堽擅權璟抗疏力詆朝中以真御史目之後按蜀清戎伍之籍改瞿塘之路尋陞邵武

王知府致仕歸居鄉有禮人樂親之

張鐸字思紹弘治丙辰進士仕南溪令擒劇賊韓積德勸永寧納溪軍民爭殺積案

咸心服遷四川僉事藍賊之亂多所招降添栢林遞運減巴州解銀官民稱便以貴州兵

備副使致政歸著有東巖錄諸稿

李文中字宗周臨安衛人弘治甲子舉人歷任吏部主事綜理精詳上官信任陞禮部

員外議禮廷杖出為四川僉事獨裁風紀賊寇秦栢周天星猖亂奉命撫剿悉平去時民

有崔李再來之謠歷固原兵備致仕

劉洙字道源新安所人正德戊辰進士歷官都給事中在諫垣十二年以蹇諤著名

諫武宗遊畋五事肅宗端治本七事又請改新安所之地革十八寨之兵効兵道王吳之

黃居置義田施棺藥建家塾隆慶年入祠祀

繆宗周通海人正德辛巳進士任戶部主事以議大禮廷杖歷陞浙江左布政使所至

有宦績里居三十餘年絕跡公廷清約如寒士

吳希賢字進夫建水人父早背事母以孝聞母穢年餘竟不起時祖母在堂慮傷其心承順

備至有叔早世撫其孤女厚嫁之教於鄉門人擢高科者幾十人嘉靖丙午登賢書授渠

縣令誘擒劇寇刃七輩崔苻帖然性狷介不事賄遺當事中深文罷歸居鄉益恬退和

易口不言人過而有過者惟恐其知焉

紀經綸

字肫夫臨安人純樸不妄言望稱爲篤行君子嘗市一婢異而聞之曰父爲百

戶曾立功以貧迫至此遂養爲已女厚嫁之弟有痼疾愛護甚至後舉嘉靖甲午鄉試初

令新都編縣馬以濟驛困再補上蔡開金梁渠以興民利計擒劇賊黑龍黑虎黑象等歷

吳陞

陞鄖陽通判襄藩長史書明著績並陞嘉慶生平志操無愧前哲

許鎡

石屏州人嘉靖乙丑進士仕監察御史有諫官詹仰庇斃於廷杖人懼權瑞莫

敢近

敢近鎡伏其尸大哭上聞之乃命收葬出爲汪西副使剛方自持與巡按不合遂致仕歸

黃立中

郡人隆慶庚午舉人任資縣知縣適陽應龍以調遣引兵過其縣前驛者直入

其廷

其廷立中縛之龍聞止不入訴於軍府右司馬徐元泰時歐定力亟稱其賢徐遂檄應龍

速發

速發兵自是愈加約束他邑賴馬事平應龍不敢復經其地從船歸後移嶺西通判卒

王恩民

建水人隆慶庚辰進士爲永川令有循聲詔試御史轉湖廣荆西右叅議時崔

家坪巨寇嘯聚往來荆門一帶無寧日恩民至廉寇踪跡除殲無遺禁人有再造之感後

值故相張居正以父喪歸一時監司俱屈爲趨奉恩民獨投刺迎謁弔賻如常儀張意不

悅恩民竟登舟去張後諷湖廣御史論之調貴州叅議尋遷副使時有彝寇突至城下挾

取在獄罪會人情震動恩民徐取紙筆分布官兵開城出擊賊遂潰時撫按合疏薦其才

器可用之尤邊會以憂歸服闋補官歷福建左方伯晉巡撫右副都御史致仕歸優游林

壑澹泊自甘

年八十六卒

張法孔

寧州人性至孝毋卒血出柩隙跪而舐之登萬曆庚辰進士授戶部郎中提督

建昌學政歷官四川左布政清操絕倫報稱剩銀三十萬以助軍餉流寇張獻忠犯成都

獨守南門捐資募士夜擣賊營獻忠遜後致仕歸修學繕城蜀藩特疏薦之以太常寺卿取用為天下清官第二人

譚繼統 字宗道郡人萬曆乙卯舉人與包見捷友善共為詩文倡和選元氏教諭陞國子監助教為祭酒李廷機所重選南刑部主事等改戶部遷貴川副使却獨山蒙氏水西

安氏饒金剿平野寇阿包等崇祀鄉賢

塗時相 字揆字石屏人萬曆庚辰進士任戶部主事有廉聲陞大名守置常平倉遍給牛種在任五年所轄州縣積粟至數十萬朝議推為廉能第一神宗賜宴賜鉞歷官南京

太僕卿閣臣張位薦其方正敏達相以告病歸家居時巡撫陳用賓以征伐議加稅克兵餉相上書力爭語甚激切人感欽其直焉天啓元年山東道御史陳九疇刑部尚書陸光

祖奏相常平倉政績請為直省郡縣式詔令頒行天下相所著有仕學膚言養蒙圖說二集

陳鑑 石屏人號虛白萬曆丁未進士仕刑部郎陞廣西梧州太守遷左江道副使歷

官廉正有聲見端禍起致仕不就徵用見環屏多賊土城非久遠計慨捐多金於天啓丙寅年改土城為磚石賊攻不克人賴以全

趙琦 寧州人萬曆庚戌進士初授工部磚廠員外積弊俱清陶戶戴德奉勅巡歷山

東臨清等處累官大名知府東省邪教猖獗公預選丁壯繕器械城池未幾盜起賴公預備得全改保定政簡刑清因卒於官殯殮不辦巡撫遣吏資賻大學士孫承宗以狀聞欽命馳驛歸葬入

王士昌

寧州人。中崇禎癸酉鄉試。任河南泌陽知縣。時流寇猖獗。練兵秣馬。為守禦計。賊臨城。率民兵。並所募壯士。夜擣賊營。獻忠引。遂逾數月。賊眾重圍其城。救兵不至。城陷。冠服懷印。正坐公堂。罵賊。殉難。益靈公。難特贈光祿少卿。蔭一子。

澂江府

明

李蕃

字廷茂。河陽人。正統戊辰進士。為司徒。郎出視臨清倉。及九江鈔關隄防。無漏。豪吏袖手。尋以親老乞歸。不事生殖。環堵蕭然。婚喪諸禮。多從儉約。鄉人化之。

趙禧

字景福。河陽人。與李蕃為友。正統丁卯。同舉於鄉。知貴州。永從縣。有廉惠聲。丁艱。歸服闋。再謁京師。嘆曰。祿為養也。而親不逮。仕復何為。遂自銓曹拂衣歸。清修苦節。三

十年絕跡公府

侯必登

江州人。嘉靖乙未進士。歷官廣東潮州。守時。值倭寇擾亂。之後。地方多警。井里為墟。掠人取贖者。無寧歲。必登首罷一切苛條。與民休息。而沉幾有雄畧。善得賊情。竟以談笑指麾。而解散之。民得更生。嘗以事之省。經賊巢中。賊聞相率羅拜。肅隊前驅。威德服人。類此。後陞布政司參政。上官有以疆事強。必登委曲者。曰。登之頭可斷。事必不可應也。一時交稱之。歷官皆平易。得民心。居鄉則拘拘焉。

本朝

趙文科

郡人。敦厚和易。惠洽梓里。以子貴。封通議大夫。人咸稱為隱德之報。云康熙二十八年。闔郡公舉崇祀鄉賢。

雲南通志

卷之二十一

鄉賢

三十一

武定府

明

楊堯年

郡人嘉靖以前郡學未設堯年發奮讀書遠寄大理府學成進士歸教鄉里讀

書者由此日盛武定人交自堯年開之

楊春震

郡人萬歷庚子舉人天性孝友辛丑不第遂就棘選親友勸以大才不宜小就

震曰吾非急功名者顧父年老冀得一命備祿養耳授湖廣彝陵州知州有家居待郡王撰者張居正姻家也挾官害民氣焰赫奕前官拱手震決意除之剪其黨羽民稱快焉聞父病自京馳歸侍湯藥衣不解帶者累月守喪哀毀骨立不用浮屠士論重之庶母弟二人春霖春霽震友愛曲至相繼卒震哀悼廢寢食齋妻辛氏守節遺女一人震憐恤倍已

明

廣西府

明

楊大洲

郡人正德癸酉舉人歷任國子監助教四川保寧府同知居官有賢聲處鄉能

化俗崇祀鄉賢

李占春

郡人字載陽幼孤事兄伯春如父撫姪

屢舉優行由歲貢初任香山訓導單騎赴任聘一妾柳氏年甚少一見惻然曰此吾文輩也而可犯乎即遣還遷仁化教諭捐俸建尊經閣疏泮池九曲以德化諸生又時濟其貧乏者崇禎間奉旨崇祀仁化名宦并奉文崇祀鄉賢

李士龍

郡人字化之坦直端方事後母孝讓祖業與弟好學善文一時諸生半出其門

元汪府

馬官上海簿委治河渠疏水利有成績民立慕禹堂肖像以祀海盜掠大姓捕獲訊治剖決明敏署邑事尤稱清介

明

施大節

郡人中永樂丁酉鄉試知交陞漢州慈愛廉明宣德二年黎利陷諒江府節撫唐嘆曰豺狼不可厭也繕甲兵積糧餉為守禦計賊勢已逼城下力屈而死

大理府

唐

楊奇鯤

樛榆人有文名唐詩載一首風外波文吹又白雨中嵐影洗還清江鷗聚處窓前見林欣啼

宋

高昇泰

南詔段氏臣保德侯高智升子也段氏子孫不振國人推戴立之在位二年疾

李紫琮

大理人其王段和譽命為進奉使入貢於宋過湖南聞學校文物之盛請於押

元

遂往遍謁諸生又乞觀御書舉笏叩首

雲南通志

卷之三十一

鄉賢

三

楊昇 太和人器大超邁經史兼通至正中歷官木邦澱江鶴慶知事以討明王珍有功

陞木邦路同知卒子寶為大理路通事以招諭土人授姚安路判官從征克蔚州曹州

陞大理路土官治中梁王構兵寶曰兩國相關民有供餉鋒鏑之苦極力解和土人深感

其德 其德日外野國受其德

段福 段日 白人也先世為大理國王憲宗朝世祖南征誅其臣高太

祥仍以段興智主國事乙卯興智與其季父福入覲詔賜金符使歸國丙辰獻地圖請悉

平諸部立條奏法民立賦之治憲宗大喜賜興智名摩訶羅嶢命悉主諸蠻爨爨等部以

福領其軍興智遂以國委任福與弟日卒爨夔軍二萬為前鋒導大將兀良合台討平諸

郡攻降交趾入朝興智道卒中統二年日入覲世祖復賜虎符詔領大理善闡威楚統矢

會川建昌騰越等城自萬戶以下皆受其節制至元元年舍利畏結威楚統矢善闡及三

十七部諸蠻叛善闡屯守官告急日卒衆進討賊大敗於威楚復遣李羅攻賊於統矢城

遂定統矢其秋舍利畏又以衆十萬謀攻大理詔日討之師至安寧擊敗舍利畏遂復善

闡降威定新興進攻石城皆下之爨部平三年日入覲錄功賜金銀衣服鞍勒兵器十一年

賽典赤更定諸路名號以日為大理總管未幾舍利畏復叛日遣石買等詭為商旅執

贖往見挺矛撞殺之梟首於市復賜金及金織紋衣於是置郡縣署守令行賦役施政化

與中州等十三年緬國權象騎數萬掠金齒南甸欲襲大理日領騎兵千人禦之功授大

理蒙化等處宣撫使十八年與其子阿慶入覲帝嘉其忠勳進大理威楚金齒等處宣慰

使都元帥雷阿慶宿衛東宮陞辭拜為雲南行中書省叅知政事十九年詔迎征緬師至

金齒卒子阿慶襲爵累授鎮國將軍歷

蘇隆字子昌中統中進士以射策為主司稱

詩子仁壽有敏才通諸方語仕龍關驛丞

陳惠事段氏至元間明王珍攻善闡梁正奔

報平安令珍成功乃還功更其詞思得人以致珍惠願往功難之惠曰吾以一身救萬人當不負但有母在耳功曰迎爾毋家吾家膳吾膳無憂也惠遂持書往珍得書默然揮之出飯惠歸言狀功知珍必遜追及敗之殺其兵半至七星關大勝而返功欲官惠惠不受

明

楊禧郡人永樂辛卯舉人任榮經縣教諭上書言時政詞激切上怒繫之獄頂得釋

拜監察御史遷慶遠知府以誠信化民任滿將行民遮道泣留臺臣上其事復留三年又

將行民又留如初乃以參政行府事歷十二年實授參政遂乞骸歸特晉右布政

趙彥趙州人宣德壬子舉人四川高縣令仁

年芒部作亂鈞瑛諸彝望風從之招撫弗聽惟曰趙尹來卽降於是辟彥彥至單騎往諭

彝果降論功復為高令卒於官

杜亨字時泰太和人天順庚辰進士官至黎

鄉試第一從諸父游宦洪峒僚屬子弟留之授舉子業縣人韓尚書文為童子亨識之於

羣兒中亟授以經大器之及亨歸里居韓為雲南方伯禮遇篤至其孫偉復持節按部至

郡亦躬求亨墓以辭祭之

李華字子實郡人成化戊戌進士授密雲知縣陞太僕寺丞出守程蕃不赴或勸之

曰吾寓京師有年幸博一第慰吾親始願畢矣貴賤榮辱何常之有竟不仕里巷優游如

野老未嘗干人卒之日無為童子烹菹以爲殮貨其居以易棺

趙弼字廷直太和人成化辛丑進士由鄆

州知縣為太僕丞遂歸田躬耒耜之役墾

闢泥濘中晏然自適同榜有姚祥者來為監

司訪諸田間棄鋤於地見之姚問生事何窶

曰差勝諸生時矣姚嘆謝而別有女不得於

夫忽暴死夫家恐不知所措弼至謂婿曰生

死命也其長厚類此

戴仁太和人成化甲午舉人累官鎮遠太守

府舊例有羨稅四千餘金為交際需猶

強半增稅額商賈患之仁至編稅為三百六

十以足一年經費餘盡裁罷亦不自於當道

後進松茂兵備歸里不治第節賓於門設榻

於屏自號無懷先生卒之日家無餘貲郡守

吳晟泣數行下為之殯殮

包文偉太和人成化丁酉舉人性嚴毅里中後

進多從受業鄉試對闈宦策屬詞峻厲

闈以為詈已恨甚爭授呈貢教諭一日闈以

他事將召而辱之偉正色厲聲闈氣沮揖而

遣之平居手不釋卷常製藥餌作橋梁以濟病及泆者

張敏太和人景泰癸卯舉人官至

參政平蜀寇以功顯祀鄉賢

楊鼎太和人弘治己酉舉人通判黃州以廉

明稱致仕歸里四十餘年無老少贖不

肖皆稱長者所著有

南詔通紀壽至百歲

李素雲南縣人弘治乙卯舉人以教諭卓異

本 巖奏 議

張鳳羽

字拱辰大理人弘治戊午舉人為鄧都教諭土人貧不能婚堯者隨力助之歲饑作粥以濟貧窶後遷資陽令明於斷獄守潼川值威茂張遊擊死吐蕃之難捧檄往勘排浮議而白其忠至今里中稱王山先生云

趙儀

太和人弘治辛酉舉人任蜀中涪陵江陽皆祠名宦歷官二千石往回萬里不借一馬一力於官有贈之者亦不受

周文臣

字蓋臣雲南縣人正德丁丑進士任湖廣公安縣令性狷介好讀書改國子助教致仕杜門謝客手不停披所著有翼聖傳春秋心傳蓋庵雜稿

屠 巒

洱海人正德中令江夏以忤中使調蘆山令會天全蠻長攻城屠戮巒受令剿捕俘其眾復所侵故地境內以寧及去邑人悲號為建祠置田報祀焉

鄒堯臣

趙州人嘉靖丙戌進士由御史歷參藩皆有遺惠而邊功尤著丁艱歸遂不出設義田立家塾宗族德之

高 封

太和人嘉靖乙未進士由行人為監察御史視離兩浙按閩風裁凜然捕治境內豪強一空閩中至今稱之以直忤時謫州倅歷參議雖政尚整肅而居鄉恂恂倡正學勵清修始終如一麗江土酋以重幣乞言却而不許

史旌賢

雲南縣人萬曆庚辰進士任內江有賢聲擢貴州道監察御史侍經筵歷七省中憲致仕著述甚富入祀鄉賢

姬文業

雲南縣人萬曆辛卯舉人任應山令陞睢州知州少以孝行聞官以賢能著居

里耿介不阿
入祀鄉賢

能後臣 雲南縣人萬曆間任瑞州訓導陞羅平
教諭宅裏正直立教有方瑞州祀名宦

本縣人
鄉賢

李嗣善 太和入東之子以萬曆辛卯鄉舉為蜀
闈中令治稱卓越入為宛平令有馮進

朝故王熙宮近侍也門下人王祿有細過朝
怒撻之立斃事發案驗得實付法曹行令復

高 覈朝素無長令直入縣堂喧囂未已嗣善叱
左右執付獄獄將上胥吏陰入進朝金嗣善

自京兆尹罪褫其役進朝不勝幽苦益麾金
行賄謀以狀聞縣令小臣榜掠近待誣指坐

辟至無法請與令共對簿而大瑞又為進朝
地人人危之謂聖怒不測臺諫言進朝罪狀

顯自令執法固當於是法司始議嗣善奪俸
不報後改奪職一級調外任而進朝止擬白

明 祭示調停始奉俞旨嗣善以外調遂不復仕
後召善為南司徒郎出權武林闕未幾卒

永昌府

明

丁 嵩 保山人天性孝友事母陳曲盡子道家
貧設科訓戚里子弟洪熙間舉懷才抱

德辭不就宣德間詔草野直言嵩上機務八
策一曰正心術則天道應二曰重經筵則宗

社福三曰開言路則聞見定四曰用賢才則
政治美五曰總大綱則庶務舉六曰汰冗兵

則軍儲足七曰重守令則邦本寧八曰崇節
儉則財用足上嘉納徵之道病卒所著有橫

峯樵
唱

滕 檣 字秀之郡人登進士歷南司徒清苦持
重督運會計周悉且有特掾隨以親老

乞歸竟不起家居澹泊不治產業與人交平
易可親非慶吊不出著有永昌百詠歸田錄
集等

萬 綸 字允言郡人中成化丁酉舉人授湖廣

武岡州學正陞翰林待詔歷官長史致
仕歸營先世丘隴外別無繕治內外兄弟族
屬之貧者咸周給焉年八十六遍辭親友旬
日而卒所著有西窓集妻王氏亦有月梅軒詩集

林 巒 字鍾秀郡人弘治辛酉舉人知廣西

林州廉介清苦值荒旱捐金代貧民償
逋稅內艱歸至沙木和囊罄鄉人延為塾師
資以館穀及服闋不能治裝郡士夫高其行
誼助之行補賓州卒於官

張 鐘 字子鳴保山人為湖廣岳州推官裔伏

巨奸不屈闕宦歷南工部膳部以疾歸
居家十五年澹泊自如及卒惟
圖書數卷士林稱西村先生

戈 諫 郡人弘治甲子舉人歷太僕丞出為湖

廣僉事所至以廉幹稱曾擒捕巨寇賚
予有加歿與
祭社之例

吳 璋 字廷獻保山人中弘治己酉鄉試過浙

問學於王守仁居三年所養益粹授長
壽教諭倡明理學教人以致知力行
學者宗之稱執齋先生崇祀名宦

閃 鏜 字大聲郡人少負義氣為諸生時人有

竊其二馬者知其人不發正德丙子舉
鄉試仕至鄆都縣令居家
不治產業惟菽水奉親

張 合 字懋觀郡人志淳仲子十六舉鄉試第

一壬辰登進士授戶部主事歷湖廣副
使以疾歸是年卒性嗜學手不釋卷善書畫
權貴造請輒謝卻之居鄉不談公府事時欲

清查彝田人心洶洶乃為書五千言達
之事遂寢所著有賁所文集宙載諸書

吳宗堯

字協卿騰越人嘉靖癸卯舉人歷馬湖
同知補延平所至有贄聲終養歸嘗從

湛甘泉蔣道林遊講明正
學學者師之輯郡乘二集

邵惟中

郡人嘉靖丁未進士歷官岡鄉在朝以
才諳劾命歸居里閭恂謹不敢上人

先民遺度
祀鄉賢祠

張含

字愈光保山人少舉於鄉不樂仕進游
梁宋間為李夢陽所知深加稱賞及歸

與楊慎友善學者稱禺山先
生所著詩文若干卷行於世

吳崧

郡人嘉靖庚戌進士授刑部主事轉員
外知福州禦寇有功陞四川副使陳情

終養創義舍置學田
賑饑恤貧鄉人德之

薛繼茂

字懋敬郡人少刻厲有大志登萬曆癸
未進士初令孝感調長樂憂歸補文安

詔為湖廣道御史慷慨言天下事不少隱諱
如論郊廟不親請建國本諸事語皆懇直初
竝封之議神宗謀於閣臣時王錫爵以為可
及言出舉朝力爭歸咎錫爵惟繼茂一疏最

和平又上書相國事得寢上綜覈於章奏獨
於茂疏徑批後著敬謹不之罪也又疏出滇
臬李材獄按點請增制額五人後為怨

者所中削籍及追錄忠直贈光祿少卿

閃繼迪

年七十萬曆乙酉鄉薦仕吏部司務天
性篤孝家法嚴正生平喜獎掖人不喜

人諛漕澗賊臨城建義主剿施甸激變建議
主撫皆中機宜鄉人立祠報德以子貴贈檢

討賜諭祭著羽岑園
秋興吳越遊草諸集

王會圖

萬曆癸卯舉人知鹽山縣以卓異擢貴
州道監察御史巡關權以直忤權璫績

載太平
鴻業

石應嵩

字澹寧郡人萬曆庚戌進士為江陵知縣

泛親督沙市居民障水作堤民免昏墊以堰塞聖吏議調靈寶縣礦徒數千人入其郭應

高登城拒之賊亦登嵩手刃二人指麾力戰賊大奔撫按以聞陞南武部主事浦口城為

南都保障江水浸囓南城盡圯部檄應嵩董役應嵩議先築堤障江苦無石乃登高相山

脉指一區掘之得石作堤七百餘丈叱咤指揮江霧未開即視事至夕不輟初議一而當

糜金錢五萬厥後三面俱新之計其工費僅四萬餘工垂成而嵩卒大司馬黃克瓚與民

部冬官合詞請贈卹

閔仲儼

繼迪長子仕至少詹禮部右侍郎兼翰林院侍讀學士枚十一次官庶常時作

魏瑄矯旨削籍懷宗召為纂修日講官甚沐宸眷兩典棘圍嘗奉桐封不究其用而卒

潘嗣魁

允中之子事太父孀母以孝聞勤學謙厚置義田焚借券文行兼優崇禎行保

舉法閔仲儼舉公應詔丙子舉於鄉子世澄同科居第一後知萍鄉縣以廉慈稱

本朝

王國治

郡人萬曆癸卯鄉薦知新繁值奢寅叛以全城功晉刑部郎中內侍獲譴以千

金求有却之居官清白祀鄉賢以子弘祚貴康熙二年封太子太保戶部尚書

楚雄府

宋

高暈成

世居威楚代高泰運為相遣使由廣南求內附後退居威楚風俗化之稱彝中

高君 子 世 孫 以 高 泰 重 為 世 孫 封 出 黃 南

明

何漸達

郡人鑑之子以恩貢任蒼溪知縣縣有蠶桑之利歲獻令若干日操絲達罷之

歲荒捐俸設粥以賑窮民乞歸仗義樂施資助婚喪焚券不取建橋利涉父子世美俱入

王鄉賢

宋

郡人正德癸酉舉人授勸水學諭科條嚴密衣食貧士擢知岳池縣厚學校崇

積貯歲旱徒跣祈禱至於罹疾而不悔宦遊垂二十年所入俸貲悉歸於親家無私藏

李啓東

郡人讀書過目成誦下筆累千餘言嘉靖辛卯鄉薦壬辰進士二甲傳臚第一

仕終禮部郎中督學余文獻祀於思賢祠

俞汝欽

郡人中嘉靖丙午鄉試質性清粹超然塵外居家不營產業惟以讀書明道自

任山居不履城市著山齋集當事慕見言不及私惟直陳地方利弊纂修郡志皆其手筆

詩文尤為清逸

孫學易

楚雄縣人登萬曆壬辰科進士初授寧國府推官斷獄無冤歷陞遵義道副使

不畏強禦土逾奢崇明陰懷反情易欲破其謀請於當事不果行至後猖獗騷動三省衆

友講學置義倉民有不便者悉為直陳之

丁師義

郡人崇禎選貢任霸州值羽書交集竭

力守戰城陷被執慷慨殉難贈山東布政叅議廕一子入監

姚安府

元

高泰祥

高昇泰之九葉孫元世祖攻吐蕃穿石門關駐兵謀統舉國惶惶咸思蹈海泰

祥獨率衆與元將伯顏不花虎兒郭等相持彌月力不能支退至統矢救兵不至元師已逼被俘不屈予以官不受殺之臨刑曰段運不回天使其然為臣殞首吾事畢矣妻段氏抱孤環申訴世祖指其兒曰忠臣後也善視養之世其官

明

劉鈞

姚安所人成化癸卯舉人性至孝純慤正大未第時甚貧元夜翫燈拾金鈿不

以語人明夕至其處候之不至又明夕復候之果有一婦人來滄泣曰失此物為翁姑所迫幾死矣鈞持與之婦感拜而去是年即登鄉薦及典學西蜀分祿以周士之貧者歸田

四十餘年不輕入市一日遇鄉飲惡其簡禮即不赴祀鄉賢

王鳴鳳

大姚縣人萬曆貢士幼事母以孝聞知府王鼎奇其學行為釋配既娶則醜

女也公欲為更娶鳳曰不娶此女則終身失所公益奇之因其貧捐俸買田以助後膺貢謁選赴京從王守仁學又獻籌邊六策兵部奇其才旋除安福丞首却常規舉鄉約修文塔興水利立社倉後轉峩眉令除前弊政以解煩苛作千金堤以興水利兩邑俱祀名宦

萬曆四十五年祀鄉賢

陶希臯

字直南姚安所人萬曆癸酉舉於鄉從學於野江羅近溪及司鐸和含有精意

錄陞石阡推官發伏摘奸守永寧平賦役擒巨寇以剛直忤上官遷王府官歸里奉親課子疎族伯叔其無後者為任喪塋鄉里有不平者解其訟爭修學宮捐資倡首經營拮据

不遺餘力平叁釁起軍與民交訂希臯抗論
不阿幾為奸宄所中及事定而後德之祀鄉
賢

陶

珽

姚安所人萬曆庚戌進士孝友端方歷
官有聲以詩字名海內建擴城議編郡
乘移洋宮周梓里賑族黨講學
論文四方來從者衆崇祀鄉賢

鶴慶府

明

趙

和

字達道郡人正統間以明經任貴州銅
內艱服闋補四川建始訓導銅仁諸生上疏
乞之許還舊任又外艱服滿當別補銅仁又
請之復報可凡三任銅仁嚴矩範飭條約首
以孝弟立教監土皆稱曰趙先生致仕歸生

徒泣送祀名宦後學道胡
堯時榜其行於明倫堂

陸

經

郡入成化丙午舉人弘治壬戌進士累
官南兵部郎中賦性耿介常卻尹藩金
帛又卻土官饒金貧約終身
卒之日棺殮不具祀鄉賢

趙

子禧

字慶夫郡入和之子天性孝友多才藝
年十九薦成化丁酉鄉魁司訓臨安克
端模範時有香趙之稱秩滿試吏部第一人
超遷南陽府同知政績著異卒於官入臨安
南陽兩地祠祀所著
有碧蒞蛙鳴二集

張

勉

字希安劍川人弘治戊午舉人任黔江
知縣饒膽畧縣有巨寇數年不能平勉
至纔彌月計擒渠魁時督責控運甚急民且
逃散勉止之曰吾能為汝達之遂力請於上
果得減徵民乃安集明年卒於官將屬續其
妻問何以歸觀曰寄墓重慶不然化骨或驚

子士民哀之立祠以祀鄉子不祭其祠者

朱珮 字鳴朝鶴慶人正德辛巳進士初任大理寺評事多平反冤獄出為貴州僉

事調停驛傳民用以安計縛元惡不費兵餉歷湖廣副使剔豪右增隄防三年陞廣東叅

政值盜起設謀禦之絕其汲道皆歸降又以計畧平定交南莫登庸等途陞陝西按察使

乞休居鄉恂恂賦性醇樸嘗與卒代官入謁突若未嘗有官者

楊鑰 劍川人嘉靖癸卯舉人丁未進士聰穎剛方不隨流俗理學為士人宗任工部

郎中以修孝陵勞瘁卒於崇禎辛未請祀鄉賢

查倬 郡人隆慶丁卯舉人歷官戶部郎出為真定知府再補保寧知府所至以廉靜

稱及居鄉謙和接物人咸服其雅量辛酉祀鄉賢

吳堯弼 字宗舜郡人萬曆丙子舉人丁丑進士選庶常益醇謹同官稱莫及父紳貢於

京因留養焉溫清之外無私謁散館改兵部郎主武選抑強植弱出為僉憲督學貴州嚴

冒籍禁時直指某庇其鄉人弼不可遂中傷之廷議知弼寃寢不行尋內艱服滿補四川

僉憲備兵安綿安綿蕃彝門戶也弼撫馭有要蕃人誓不復反民賴以安後卒於官綿人

祀入名宦弼敷釐二十載家無厚產丁卯祀鄉賢

楊提 字漸高郡人萬曆戊子舉人任泌陽諭吏部陳民志甚器重之外艱服滿補鳳

陽諭遷桂東令桂東苦瘴人死不知醫提置藥局所活無算邑賦歲飽奸胥提覈其久占

者三人置之法邑通迺帖然輸焉邑故無科目子裕橫豪提教之始何向知向學後移西

安郡丞一攝涓篆再攝邠多惠政秦人德之以勞卒於官提生平讀書以體認為功其學

有體用相國李標
為之傳祀鄉賢

閔宗聖

字心遇郡人溫醇孝友萬曆壬午鄉薦
常置義田以贍族分廩讓田於其友時

論高其誼署戒陽學盡心教士周恤孤寒遷
榮昌令多惠政大工掄材采運如數民不稱

擾邑有大憝人莫敢櫻聖宣之法榮人稱快
會征楊應龍竭力王事卒聖家本裕反以官

貧崇祀榮昌名
宦入郡鄉賢

趙捷

字習南郡人清貧力學領萬曆壬午鄉
薦任宜良諭文藝器識為多士楷模爭

徵北雍助教善教不倦出知瑞州府同攝高
安篆多惠政時有大牒株連數十人羅織成

獄捷坐殺人者餘杖釋之上官不可捷力爭
曰殺人以媚人捷死不能上官啣之捷既耿

介不屑趨承復淡於仕進會遷長史遂致仕
歸林卧二十載杜門掃軌課兒孫外無他營

也乙亥
祀鄉賢

梁州彥

郡人萬曆癸丑進士尹江夏念親老欲
得屬令便歸省乃拜新繁當路謂才浮

於地爭調華陽華陽夙號嚴劇彥勵精為之
百務具興百弊盡革每大牒片言而折其明

敏如此在任五年一塵不染入覲以治行卓
異留部考選彥復念二親乞假歸未竟厥施

而卒祀
鄉賢

楊方盛

字大豫萬曆丙辰會魁初授湖廣大治
令邑多巨猾獮悍難治不數月刑清訟

理考選山西道御史巡按河南別蠹鋤奸歷
見丰采巡視長蘆鹽政巨商斂手補京畿道

適遇黔中奢安之叛條陳安邊調援剿賊開
路諸疏廷議偉之隨遷太僕寺少卿提督西

路馬政多蕃息無虛耗遷右通政歷應天府
尹以惇大持體多有政聲崇禎壬午擢南戶

部右侍郎兼都御史總督糧儲值國事艱難各省南糧飛輓不繼羽檄紛馳多方措置癸未告歸濟貧乏救族閭優游泉石間年七十一卒

楊應宿

字丰瞻郡人萬曆壬戌進士歷員外郎中乞運通州轉輸如法陋規宿弊釐剔

殆盡出守成都百務自裁苞苴概罷深獲士民心以內艱柴毀骨立匍匐間關歸爭卒祀

鄉賢

陳奇猷

字大甫劍川人萬曆壬戌進士性長厚為諸生時拾遺金歸其主先授中書繼

拜御史疏陳滇事極屬骨竅視節慎庫以清慎聞以貪穢彈主政後為所擠落職歸卒於

途祀鄉賢

順寧府

明

猛

蓋 郡人襲土知府恩威並濟土人懷之

猛

卿 字堯佐郡人通書史嗣土官嘉靖丁亥以武爭功賜鏹幣

蒙化府

明

丁

泉 字德輝成化戊戌進士由武選郎歷貴州石阡知府先是苗叛府治學宮壇廟

郵傳倉廩盡成灰燼泉以次修復設鐘鼓警昏夜賑窮恤士收招流移卒於官有烈風星殞之異櫬歸囊無餘貲惟遺稿公餘清談耳

劉

揮 字本忠郡人歲貢任雅州司訓恂雅飭學問淵弘迷渡市舊不知學揮開館

皇朝通志

卷之二十一

鄉賢

序

教讀變其風俗凡冠婚喪祭之禮皆所講明維持風化揮之力也

本朝

張芳譽

郡人順治十六年貢誠信仁慈端淑樂善凡貧乏婚喪皆默有助卽困乞丐親給錢米力行不倦年過七十猶手錄格言傳播遠邇雖嚴冬酷暑課誦不遑康熙九年通學公舉德行督學壽以仁旌曰德隆望重壽八十卒

永寧府

明

各吉八合

父卜都各吉仕元為永寧州知州洪武間八合領兵歸順至永樂四年諭西番入覲改陞永寧府知府世其官

麗江府

元

麥

良

宗子附世祖為茶罕章管民官從剋大理擒段興智功列兀良合台之右以副元帥佩虎符鎮慶慶又破鐵橋城華馬國加授銀印為提調諸路長官司

皇清通志

卷之二十一

五

